

道書集成

九洲圖書出版社



海瓊白真入全集卷六

謝蘇大居士詩集卷之二首及門林桂全校

七言絕

武夷有感十首

不食不春

雨霽煙凝正夕陽子規啼斷幾人腸東風不動些情思

無限落花春自香

日真入集

卷六

鶯囀綠楊抽嫩葉蝶催碧藕發新花颯然一點薰風至

日落前山噪亂鴉

秋

雨餘秋蘚幾堆錦日出朝葵千簇金對景適然發清嘯

野猿驚泣綠楊深

冬

幾尺雪藏松徑暮一枝梅簇洞門春溪頭昨夜水寒綠

風捲彤雲發曉暉

曉

風吹萬木醒棲鵲月落西山啼斷猿雲捲翠微深處寺
一聲鐘落碧岩前

碧雲紅樹晚相間落日亂鴉天欲昏人去採芝不知返
草廬空自掩柴門

兩脚初收起暮煙芒鞋竹杖翠雲邊東風解發陽春意
放出落花啼鳥天

白真入集

卷六

月冷風清三徑竹猿啼鶴唳一窻雲開門放入前山翠

試把星兒相子焚

坐

千山猿叫月如晝萬籟風號天正秋霧濕蒼苔煙漠漠

白雲飛夢過瀛洲

青

岩下煙深人不來白雲寂寂掩蒼苔松花落地鳥聲寂

一枕清風送夢回

題精舍

道書集成

到此黃昏颯颯風岩頭只見藥爐空不堪花落烟飛處
又聽寒猿哭晦翁

漁舍

江上蓼花紅似血江頭沙磧明如雪前山後山寂無人
一犬夜吠松梢月

午頓

笋方合爪蕨拳拳好與同叅詩裏禪居士聞韶今已久
爐峯爲我曉生烟

酌貪泉因弔吳隱之三首

白真八集

卷二十七絕

三

人其祿士爲藎監鎔鑿民財飽未厭不識隱之心與口
酌泉依舊只清廉

酌之一似取廉名未酌泉時本自清向使無泉亦無語
不貪不酌更分明

晉人相扇以清名何事因泉始立清清到飢寒妻子地
此清太不近人情

棚巷力高士與同散步二首

老槐蒼蒼嫩槐綠小麥青青大麥黃燕已生雛鶯已去
落花不管蜂蝶忙

功名不直一杯水富貴於我如浮雲詩句清妍仍淨遠
游絲飛絮聽續紛

示如靜講主

浩浩春風泛碧梧娟娟秋水照芙蓉大師佛法無多子
居士身心本一如

重九

踈風冷雨北山南時見歸鴻度碧潭重九日人多是醉
兩三枝菊總斜簪

閩中曉晴賞牡丹

白真八集

卷二十七絕

四

晴窓冉冉飛塵喜寒硯微微暖氣伸喚醒東吳天外夢
化爲南越海邊春

憶鶴

洞裏不知城市改人間再到子孫非有誰尚自看華表
何處如今叫令威

夜半

夜半風吹遠夢回直從海上忽飛來回頭但見山三點
徹席猶餘酒一杯

朝斗

夜樓一穗玉爐烟飛入三天最上天朝罷滿空風露曉
世人應是更貪眠。

過石梯

小傘輕包手自携少需脚力過危梯入門失問翁高姓
看盡壁間前後題

城樓晚望

女牆駕月子城東暮色初來詩興濃綠暗紅稀春結局
望中白鳥入青峯。

仙居樓

白真八集

卷六 七絕

五

萬籟沉沉清夜闌樓前獨自倚欄干金鷄叫罷松風動
三十六天秋月寒

折梅二首

夜半披衣凭玉欄天風吹露灑琅玕前臺後臺月如水
雲去雲來梅影寒

一朶寒香已自奇高了兩朶更清姿樹前樹後花都絕
折了南枝折北枝

幽興

一春病酒廢登臨風攪石楠花滿林山色有無煙聚散

溪光動靜鴨浮沉

夜深

一晚尋思未得詩樓前只有月相知夜深欲睡還貪坐
坐到五更鐘動時

炙燈

觀裏多時道士憎只知貪酒百無能黃昏鐘了無人跡
借得鄰房一盞燈

偶書二首

手撚茶蘼綠酒惡十二欄杆凭一角歸興應如春樣濃

白真八集

卷六 七絕

六

前亭後亭花自落

絳闌清都何時到滄海桑田誰與憐三十六天歸路穩
撚花對酒一凝然

墨竹

廬舟惠我一墨竹紙上森森一枝玉展向庭前與鶴看
今宵不許枝頭宿

鶯

踏折海棠花一枝一枝花露濕金衣捎將粉蝶直飛去
却在綠楊深處啼

道書集成

春晚憶故人

車痕馬跡遍江湖。且捲琴書入草廬。芳草兩堤三月暮。故人千里一書無。

贈相士徐碧眼

碧眼何須青白爲。冰辭電語不吾欺。君看衮衮腰金者。曾見騷壇大將誰。

雪晴二首

桃李無言蜂蝶忙。曉寒未肯放春光。花將計會千山雪。風爲栽埋一六相。

白真人集

卷六 七絕

二

早上新鶯語尚蠻。花無氣力倚雕欄。幸蒙殘雪回頭早。又遣東風薄倖寒。

梧窓二首

夜半山風響翠梧。一窓皓月照琴書。試將筆架山頭屋。問有清幽似此無。

世事如塵掃。又生梧窓終日坐。冥冥有時飲罷却行樂。立看風吹閣上鈴。

盤雲二首

今古無門閉是非。無心出岫已知機。于今收拾歸山谷。

不逐春風上下飛

筆架山頭一片雲。盤旋岩谷不求伸。時人只恐清風起。吹作皇都雷雨春。

戲鶴林

柱下固能官老子。漆園亦可祿莊周。鶴林不仕知何意。快取青氍趁黑頭。

覽鏡

神仙志老緣何事

歲事輕輟好送窮。頭今未雪臉猶紅。一回覽鏡一回老。天已安排欲我翁。

白真人集

卷六 七絕

八

黃岡

海山千里起風沙。拂拂籃輿細雨斜。雲裏桂松連岫碧。自酤市酒慰蕉花。

贈別徐監觀

曉來自點素馨湯。雨朵蓮花隔宿香。夜醉至今猶未醒。荔枝取次對離觴。

送鄭陽春

前身莫是鄭安期。井竈重來跡已遺。澗底菖蒲無可採。共君細讀漢時碑。

蝸牛

有宅一區長自負受田百畝不能耕壁間銀篆方猶濕
早已枯然夢兩楹

早秋

雲來雲去狀秋陰細雨籠晴夕照沉半夜月明千籟靜
一聲猿叫萬山深。

七仙寺石履二首

踏遍三千及大千除非鐵腳始能穿當時達摩持歸去
何事傳來到七仙

自真入集

卷六七絕

九

古人叅罷祖禪已證如如不動尊想見脚根堅似鐵
履鞋化石儼然存

次韻王將仕二首

散髮披襟樂醉鄉從朝笑語到斜陽坐來一片蟬聲久
未信人間有此涼

白霧重重山復山山光樹色有無間是中紫翠皆詩料
病起無聊著句難

示周道士

前山隱隱起雷聲細雨絲絲濯早氛何處飛來松上鶴

晚風吹斷九天雲

秋日書懷三首

桂花已是上番香楓葉飄紅柿葉黃社日雨多晴較少
秋風盡熱夜差涼

檢點秋光莫問天只從鴻鴈見推遷未霜楊柳老多病
既雨芙蓉美少年

秋風秋雨索人詩雲放千山翠色奇重九數來還漸近
木犀開了不曾知

殘春

自真入集

卷六七絕

昨日春光更水涯水涯今日已春賒春歸只道無蹤跡
尚有青苔一片花

蕭侍郎故居

玉筍山前蕭子雲手携白壁玩青春碧壇夜夜松風起
八十二人朝玉宸

行春辭九首

一斗百篇誠有之無人知我只春知吟逢蝴蝶卽莊子
醉見海棠真貴妃

春來春去不知時只有詩人冷眼窺夜雨揩磨好山色

道書集成

曉風擡舉舊花枝

闔園是日是花開我又何朝不醉來井有人焉蛙兩部

日之久矣蝶三臺

借彼笙簫鼓笛中詩人隨分得春風提壺處處若監酒

布穀朝朝講勸農

幾日春功似有加曉來萬象盡排衙羣鶯主管園林事

一雨巡行桃李花

終日尋春入醉鄉不知何處見春光風條舞綠水楊柳

雨點飛紅山海棠

白真入集

卷六 七絕

二

政是風嬌日駛天薔薇粉褪海棠嬌貴人那得看花福

多在綠窓猶醉眼

綠楊無力暖相依不管黃鶯訴落暉水破魚吹成雨點

花爲蝶擾逐風飛

寶馬香車政踏青豈知已自過清明燕雛告訴花都落

鳩婦丁寧雨速晴

山歌三首

中秋夜月白如銀照見東西南北人古往今來人自老

月生月落幾番新

典釵賣劍買中秋買得中秋醉又休明日酒醒無米煮

兒啼妻怨甚來由

人來人去唱歌行只道燈明不月明月不如燈燈勝月

不消觀月但觀燈

農歌

上田稻似下田青乳鴨兒鵝陣陣行稻熟酒新鵝鴨大

村歌社舞賀秋成

春晚行樂四首

一點春山一點愁一絲暮雨一聲鳩病中況更緣詩苦

日其八集

卷六 七絕

三

夜去可堪無酒休

今夜遙知春欲歸望春不極立多時草迷野渡東西岸

月挂寒松上下枝

曉雨初收翠靄濃此番二十四番風忽驚春暮翻爲雪

乃是楊花飛滿空

落紅庭院綠池塘語燕啼鶯亦可傷齊柳吹花春已老

暝槐成幄日初長

舟中晚眺二首

小立船倉揭起蓬晚來帆幅飽西風望他鴻鴈一雙去

過了峯嶺千萬重

不成無語立江濱事事堪吟句句新白露前身真釣叟

青山今日是詩人

江上散縱

欲曉江頭杖策徐一峯西去衆峯趨不知林裏猶僧寺

小立忽聞敲木魚

話舊

風露三更月一簾共君握手不能厭酒盃滿泛榴花色

燭焰斜抽柳葉尖

自真入集

卷六 七絕

三

夏日遣興三首

枕簟來尋瓜李盟銀床金井已關情牡丹芍藥成前輩

茉莉素馨方後生

素馨藥點粉描筆紅藕花開金鏤杯乳燕新蟬相對語

詩人何日不亭臺

四壁青山翠打圍詩人坐久淡忘歸橋邊荷葉欹頭立

水底蜻蜓仰面飛

聞子規

二十年前杜鵑枕邊時把淚珠彈如今老眼應無淚

一任聲聲到月殘

聞子規

綠柳陰中聞子規勸人歸是勸春歸人須回首春須暮

何不成都西去飛

成都一作青城

潤夫飯僧景泰相款信宿告歸

夢中也學雲峯路未老來游蒲澗山無數老僧閑道士

笑人騎馬出松關

送鄭道人歸羅浮

鐵作橋梁雲作蓋石成樓觀水成簾歸時猿鶴頗傳語

自真入集

卷六 七絕

四

記取前回白玉蟾

贈徐鐘頭

樓上疎鐘撞月明五雲影裏一聲聲九天星宿皆朝斗

人世曉雞渾未鳴

問春

不教蜂蝶畧來些豈是春神病酒耶燕語鶯啼今幾日

風塵雨難計多花

舟行

梢子歡呼御曉風詩人亦自起推蓬數來數去山都亂

道書集成

忘却前峯與後峯

秋園夕眺

木犀偶儻散麝金松舉笙竽竹奏琴臨水芙蓉自兒女
鏡邊刺繡晚沉吟

夏夜露坐

披襟岸幘藕花橋一片哀鴻度碧霄新月出來真解事
嫩蟬吟得自無聊

春宵酌雨

更無半點海棠飛一聽黃鶯雨裏啼啼得碧壇紅藥破
日真八集

淡烟芳草滿長堤

嘲杜鵑

杜宇聲聲蓋自嗟春殘何事更天涯不歸則是歸還是
伊是無家或有家

曉巡北園七首

隔水人家似畫圖鬢邊香露綴成珠日高丈五雲猶宿
鳥鵲已歸三哺雛

柳色花光映曉雲半窓紅日已東昇行人隔水自相語
無數鶯啼聞不曾

蜂蝶如知春欲歸雨餘鶯亦縵金衣東風盡把楊花剪
吹作滿城輕雪飛

池邊弄水手猶冰藕臂風寒更粟生柳葉春深槐葉淺
桃花夜暗李花明

非雲爲侶更無人獨倚雕牆詩思冥日色淡紅烟色紫
山光濃綠水光青

雨餘花點滿紅橋柳雪粘泥夜不消曉霧忽無還忽有
春山如近又如遙

游人脚踏杏花泥花片吹風點綺衣爲復殘春催杜宇
日真八集

是他杜宇喚春歸

水村吟霧

淡處還濃綠處青江風吹作雨毛腥起從水面縈層嶂
恍似簾中見畫屏

岩下聞鷗

行繞松林不見鷗只疑山後噪查查更移數步俄回首
縮脰蹲身立樹丫

枯松

霜鱗雪爪一枯松恍似湖心見白龍想得呂仙曾點化

孳雲櫻霧欲騰空

江亭夜坐

月冷松寒露滿襟
天容紺碧鶴聲沉
夜深獨把欄干拍
只有長江識此心

東山道院

烟月荒涼野色寒
松梢滴露夜將闌
人家曠絕無雞犬
一鶴飛來點翠山

暮色

江煙漠漠月昏昏
一點漁燈貼岸根
風攪長蘆鷗睡起

白真八集

卷六 七絕

七

游鱗驚動水花痕

牛渡問舟

歲晚行人苦欲分
山昏水暮鳥尋羣
舟行棹進空回首
一望蒼梧但白雲

泊頭場劉家壁

春深空度可憐宵
江岸風沙好寂寥
人間孤舟多少恨
五更寒雨報芭蕉

羅浮山上過鐵橋

飛雲頂下見羅浮
五色珍禽繞石樓
行過鐵橋猿嘯罷

稚川丹竈冷聽聰

繪蓮二首

筆底荷花水面浮
纖毫造化奪工夫
爲誰畫出生綃上
泰華山頭玉井圖

濃淡色中勻粉膩
淺深痕上著臙脂
華堂展處南薰起
一似西湖六月時

劍池

人間無處著青蛇
池水清冷浸落花
幾度清風明月夜
悵然無語憶張華

白真八集

卷六

六

九曲雜詠九首

流光光中飛落葉
白雲影裏噪幽禽
人間幾度曾孫老
只有青山無古今

昇真洞

得得來尋仙子家
昇真洞口正蜂衙
一溪春水漾寒碧
流出紅桃幾片花

玉女峰

插花臨水一奇峰
玉骨冰肌處女容
烟袂霞衣春帶雨
雲鬢霧鬟曉梳風

道書集成

仙機巖

織就霓裳御冷風玉梭隨手化成龍天孫歸去星河畔
滿洞白雲機杼空

金雞巖

水滿寒潭渾著月山藏空谷正吞烟金雞初報洞中曉
咿喔一聲飛上天

鐵笛亭

滿天沉澹起清風白鶴飛來上翠松月冷山空吹鐵笛
一聲喚起玉淵龍

白真人集

卷六 七絕

七

仙掌峰

仙子捫蘿上翠崖岩頭舊有煉丹臺至今石上留仙掌
十指春葱漬綠苔

石塘寺

高僧叅透趙州禪拔寺移歸兜率天天聖二年四月朔
一宵雷雨撼山川

鼓樓巖

萬丈高岩聳石樓雲疊烟浦瞰寒流幔亭昔聚曾孫宴
石鼓擎歸古渡頭

新村市

落日移舟上碧灘桃花林外見青山耳邊忽爾聞雞犬
不遇劉郎不肯還

九曲權歌十首

三十六峰真絕奇一溪九曲碧漣漪白雲遮眼不知處
誰道神仙在武夷

武夷

幔亭峰下泛仙船洞口瓊花鎖翠烟一自魏王歸絳闕
至今哀怨嶺頭猿

一曲

山下於今幾代孫當時簫鼓寂無聞丹爐復爾生春草

白真人集

卷六 七絕

三

玉女峯前空白雲二曲

仙船停棹架岩頭黃鶴歸天今幾秋滿洞桃花人不見
一溪綠水爲誰流

三曲

萬頃秋光無著處滿潭清水瑩青銅金雞叫落山頭月
淡淡寒烟颯颯風

四曲

問道誰知鐵笛聲石崖轟裂老龍驚當年人已服丹去
千古荒亭秋草生

五曲

仙掌峰前仙子家客來活火煮新茶主人遙指青烟裏
瀑布懸崖剪雪花

六曲

寂寂秋烟鎖碧灣。往年此地有禪關。水神移入龍宮去。
一夜風雷吼萬山。七曲

幾點沙鷗泛碧流。蘆花兩岸暮雲愁。鼓樓岩下一聲笛。
驚落梧桐飛起秋。八曲

山市晴嵐天打圍。一村雞犬正殘暉。稻田高下如棋局。
幾點鷓鴣飛與鷺飛。九曲

○華陽吟三十首
換骨脫胎猶有緒
有誰曾見存底素

家在瓊崖萬里遊。此身來往似孤舟。夜來夢趁西風去。
日斷家山空淚流。三十首均存存底素不可不讀

白真八集

卷六 七絕

三

海南一片水雲天。望眼生花已十年。忽一二時回首處。
西風夕照咽悲蟬。

一從別却海南船。身逐雲飛江浙天。走遍洞天尋隱者。
不知費幾草鞋錢。

白雲和我到天台。眼入青山嶂豁開。到彼山中結茆屋。
空餘千古夜猿哀。

拄杖尋真入武夷。幔亭峰下雪花飛。一從九曲灘頭看。
萬壑千岩翠作圍。

武夷結草二年餘。花笑鶯啼春一壺。流水下山人出洞。

岩前空有煉丹爐。

得訣歸來試煉丹。龍爭虎戰片時間。九華天上人知得。
一夜風雷撼萬山。

白馬江頭嘯一聲。紅光紫霧水中生。急抽匣內青蛇劍。
攪得黃河徹底清。

渴飲金波數百鍾。醉時仗劍指虛空。腳根戲蹠交乾斗。
長嘯一聲天地紅。

移將北斗過南辰。兩手雙擎日月輪。飛趁崑崙山上出。
須臾化作一天雲。

白真人集

卷六 七絕

三

戲泛金船到海涯。暗隨海水度流沙。一從登著蓬萊岸。
去看瓊臺閬苑花。

人身自有一蓬萊。十二層樓白玉階。姹女金翁相識會。
堂前夜夜牡丹開。

惟事教人笑幾回。男兒今也會懷胎。自家精血自交媾。
身裏夫妻是妙哉。

一吟一醉一刀圭。真氣真精滿四肢。若到酒酣眠熟後。
滿船載雪過曹溪。

元神夜夜宿丹田。雲滿黃庭月滿天。兩箇鴛鴦浮綠水。

道書集成

水心一朵紫金蓮

饑餐一兩黑龜肝。寒向丹田猛火山。但見心頭無點事。不知人世有饑寒。

青牛人去幾多年。此道分明在目前。欲識目前真的處。一堂風冷月嬋娟。

片餉工夫鍊汞鉛。一爐猛火夜燒天。忽然神水落金井。打合靈砂月樣圓。

一泓神水清華池。夜夜池邊白雪飛。雪裏有人擒玉兔。起將明月上寒枝。

白真人集

卷六 七絕

三

不動絲毫過玉關。關頭自有玉京山。能于山內通來往。風攪九天霜雪寒。

誰識周天造化功。於今蹙在片時中。只將鉛汞入真土。煉出金花滿鼎紅。

昨夜三更雷撼山。九天門戶未曾關。曹溪路上分明見。有箇金烏入廣寒。

曹溪一路透泥丸。只在丹田上下間。解使金翁媒姪女。朝雲暮雨滿巫山。

祇將戊己作丹爐。煉得紅丸化玉酥。漫守火爻三百日。

產成一顆夜明珠

絳闕仙都一散郎。偶來塵世一徬徨。身中自有長生寶。夜夜飛神謁上蒼。

家在神霄九氣天。天中樓殿貯羣仙。偶然來到人間世。料想神霄未一年。

玉皇殿下一仙童。曾掌符書守藥宮。因甚俗緣猶未斷。於今幻質入塵籠。

氣蓋山河心膽豁。不能學劍不搜書。夜來掇得乾坤動。火候溫溫守玉爐。

白真人集

卷六 七絕

三

夢幻之身不久長。桑榆能幾耐風霜。如何跳出利名窟。贈汝長生不死方。

拈弄溪山詩技巧。吐吞風月酒神通。且將詩酒瞞人眼。出入紅塵過幾冬。

贈詩仙

學詩有似學仙難。煉句難於學煉丹。換骨脫胎君有訣。炷香特特叩詩壇。

題光孝觀

偶然騎鶴去游仙。來訪泉山古洞天。一劍當空又飛去。

碧潭驚起老龍眠。

贈藍琴士三首

江湖見說老藍公，今日相逢在玉隆。竹樣精神梅樣骨，況君梅竹在胸中。

迢迢閣下暮烟生，相對無言坐復行。彈盡胡笳十八拍，床頭劍吼月三更。

夜來莫說西山冷，見說廬山夏有冰。直恐與君相別後，錯聽猿嘯作琴聲。

清靜經

日真八集

卷六 七絕

大地山河一卷經，拈來題目甚分明。山花野草皆談說，蠢動含靈側耳聽。

招賢道士

解鞍默默對斜暉，無限詩懷在翠微。一句秋鴻來入耳，兩行客淚下霜衣。

秋思

滴盡池荷無奈雨，吹翻井葉可憐風。溪毛山骨猶無恙，尚有蘆花對蓼紅。

徐仙

崇安縣黃連坑

採樵有遇纔三日，歸路還家已十年。自古得仙非苦節，此坑安得號黃蓮。

憶西湖

銀月窺人夜漏沉，斷蒲疎柳忽關心。西風爲報西湖道，留取芙蓉供醉吟。

問花

驀地詩心到海棠，問花開未曉來忙。村童熟睡不知喚，惟有流鶯語似簧。

梅花醉夢

白真八集

卷六 七絕

紙帳梅花醉夢間，了無他想鼻雷鼾。鴛愁鳳恨不入枕，睡覺身疑在廣寒。

栢子家風

山居剩得靜乾坤，竹鼎時將栢子溫。會似趙州叅得透，等閒莫與俗夫論。

首夏三首

懶中倍覺我神清，煩惱如今葉似輕。青士庭前銷晝暑，蒼官枕上送秋聲。

日與浮雲相往還，落花啼鳥總相闌。初無東觀北門夢，

只在西山南浦間

滿目晴巒總是詩詩情飛絮逐游絲雨肥碧澗落花水
風瘦青松啼鳥枝

與永興觀主梅

破袖懸鵝髮髮蒼山前山後樂相竿三更月影如酥白

一樹梅花似雪香

玉艷冰英絕可憐卽之時復一嫣然始蘇日暮逢西子
采石江明見謫仙

春詞七首

白真八集

卷六 七絕

七

春光苦海渺無邊日暮歸來泛玉船紅釀海棠紅似雪
翠嬌楊柳暗如烟

千紅萬紫競繁華鶯燕多依富貴家上巳蘭亭修禊事
一年春色又楊花

瘦沈沈潘萸自多花邊有酒且從容春三二月東風裏
鶯百千聲翠柳中

柳困花慵風力輕脫禪衣袂過清明喚晴喚雨鳩無準
飛去飛來燕有情

且上禪衣試綠羅情知春暮亦無何風吹一架茶縹雪

酒惡頻將玉藥挪

晴簾暖幕笑如烘春事還歸縹緲中紅藥一枝寒食過
東風萬點海棠空

春色將窮詩未窮開樽姑爲慰東風偶然行到青苔上
尚有殘英一片紅

祈雨伏虎菴

梵相無言旱氣奢三農無飯欲蒸沙後頭香穗成禾穗
塵尾天花化雨花

冬夕酌月三首

白真八集

卷六 七絕

七

半規新月滑如酥流入清樽一吸無明日定知廣寒殿
如娥失却水晶梳

兔冷蟾寒桂影疎化爲霜露瀉庭除已驚栢液冰吾齒
莫弄梅花粟爾膚

二毛可惜雪霜侵日有清都絳闕心枝冷鵲翻簷外影
庭空鴻墮月邊音

贈明講師二首

昔從師在月岩時我過鵝湖卽語離每見孤鴻每生感
不曾一日不相思

豈謂東吳得再逢二俱老盡少時客來從上國鶯花裏
墮在輞川圖畫中

雪中三首

朔風吹冷裂窓紗重把羅幃繡幕遮青女先將霜起早
素娥始放雪飛花

曉來紅日尚羞明四外彤雲欲詐晴一夜九天開玉闕

六花萬里散瑤英

飛廉滕六逞寒威費酒陪詩爲解頤雪待夜深飛落盡
梅噴風惡夜閒遲

白真八集

卷六

三

龍虎山祈雨早行有作

兩三條電復無雨六七點星微上雲鞭起卧龍我騎去
揮戈叱問五雷君

題棲鳳亭四首

亭前綠密玉成叢鳳宿枝頭烟雨空簫管一聲人未寢
滿林明月浸清風

竹也多年管風月鳳兮幾夜宿雲烟林間有客吹簫去
竹化成龍鳳入天

潘氏亭前飲一宵酒酣對竹嘯瓊簫不知棲鳳來多少

鳳去人歸竹寂寥

聲傳琴瑟風生枕影瀉琅玕月滿庭白鳳飛來枝外宿

夜深點破一林青

梅花有嘆

蒼苔玉艷委西施玉膽冰姿尚伯夷春色一般清濁異
梅花亦自有安危

中秋月

千崖爽氣已平分萬里青天輾玉輪好向錢塘江上望
相逢都是廣寒人

白真八集

卷六七絕

三

卧雲

滿室天香仙子家一琴一劍一杯茶羽衣常帶烟霞色
不惹人間桃李花

題客省

煉就紅鉛不計斤五湖四海十餘春今朝杖屨廬山下
雨笠烟簑一箇身

洞前亭

洞前春水漾桃溪洞後數聲青鳥啼二十四岩風雨夜
神仙過此話刀圭

道書集成

送林古虛歸閩

名落江湖二十春
江湖那箇是知音
於今拄杖挑明月
雲滿千山何處尋

和劉司門韻題臨溪亭

臨水皤然兩鬢絲
山烟凝翠入鶉衣
橫吹鐵笛且歸去
懶把漁竿立薜磯

登愛閣有感

五六年前彭覺非
同登愛閣阮荷池
如今再到還重省
十二闌干謾雨絲

曰真人集

卷六 七絕

三

琴

夜靜無雲月似銀
青霄鶴唳一傷神
子期玉骨寒於雪
世上知音能幾人

天窓

屋頭除却數條椽
政好臨風對月眠
行客只從門外過
豈知屋裏有青天

七臺山

六月泉聲帶雨寒
斜陽染出淡紅山
白雲無恙青楓老
不見簾櫳振錫還

春風四首

一一鬚梢一霧珠
曉來雨意尚躊躇
落花也避東風惡
水面相驅彈向隅

燕燕于飛引蝶狂
嬌鶯歌懶笑蜂忙
庭前萱草臺前竹
也學春風舞綠楊

底事東風苦欲寒
不教詩客縱游觀
無端虛把鞦韆送
落盡梨花似雪團

遠草將人雙眼行
飛花誤蝶乞流鶯
更饒一夜東風劣
且博三朝五日晴

曰真人集

卷六 七絕

三

觀物二首

蜂占薔薇封食邑
蟻侵螺贏借軍需
雨天風急鳩呼婦
水國烟寒鴈喚奴

曉鷺守溪圖口腹
暮蛛借屋計家生
不羈野馬空中駛
無喘蝸牛壁上耕

荷池追涼

清曉無人知此涼
岸巾植杖立銀塘
晴霞燒眼收將飲
荷葉生風綠永香

舟程苦遲